

## **De Luxembourg Centre for Contemporary and Digital History (C<sup>2</sup>DH) analyséiert an engem neie Projet, dat individuell Schicksal vun den Zwangsrekrutéierten**

*Esch-sur-Alzette, 11. Februar 2021* – Am Kader vum Projet “WARLUX – Zaldoten an hier Communautéiten am Zweete Weltkrich: Den Impakt an d’Vermächtnis vun de Krichserfahrungen zu Lëtzebuerg” (*WARLUX - Soldiers and their communities in WWII: The impact and legacy of war experiences in Luxembourg*), erfuerscht de C<sup>2</sup>DH, vun der Universitéit vu Lëtzebuerg, den individuellen Aspekt vun der Geschicht vun den, tëschent 1920 an 1927 gebueren, jonke Lëtzebuenger, déi während der nationalsozialistescher Besatzung vu Lëtzebuerg am Zweete Weltkrich an den däitschen Déngscht agezu gi sinn. Fir déi individuell Erfarunge vun dese Männer, Fraen a Familien z’entdecken, wëllt den Zenter d’Ëffentlechkeet mat abezéien a freet d’Leit sech ze mellen an hier Familiengeschichten, Bréiwer, Tagebicher, Fotoen an aner perséinlech Dokumenter ze deelen.

### **Eng nei Approche: individuell a familiär Schicksaler**

Fir mat der traditioneller Historiographie ze brieche, an där virun allem d’Männer, opgrond vun hirer grousser Unzuel an d’Wehrmachtrekrutéierung am Mëttelpunkt stinn, wielt de C<sup>2</sup>DH eng nei Approche géintwärt der Geschicht vun der *Zwangsrekrutéierung*, andeems en d’Schicksaler vun de Fraen an de Famillje vun den agezunnene Jongen a Meedercher vu Lëtzebuerg mat abezitt. D’Rekrutéierung während dem Zweete Weltkrich huet net nëmmen aus dem obligatoreschen Militärdéngscht an den däitsche militäreschen Waffegattungen fir jonk Männer, deen 1942 duerch d’nationalsozialisteschen Besatzungsadministratioun agefouert gouf, bestanen, mee och aus dem obligatoreschen *Reichsarbeitsdienst* (RAD), deen 1941 fir béid Geschlechter, an den obligatoreschen *Kriegshilfsdienst* (KHD), deen 1943 fir jonk Fraen, agefouert gouf.

Fir nach e Schrëtt méi wäit ze goen, ass et net d’Schicksal vun dieser generationeller Kohorte als eng homogene Grupp déi als dëss behandelt gëtt, mee déi ganz perséinlech Erlebnisse vu verschiddene betroffenen Individuen ewéi och d’Schicksal vun hire Famillje während der Krichszäit, déi am Mëttelpunkt vun der Recherche vun deem Projet stinn. Et ass net nëmmen dat historescht Kapitel vun de Rekrutéierungen als dëst, mee virun allem all déi perséinlech Geschichte vu verschiddenen Individuen, déi zesummen dëst historescht Kapitel ausmaachen, déi virrangeg sinn.

### **Crowdsourcing vu perséinlechen Dokumenter (Tagebicher, Bréiwer, Fotoen...)**

Während den historeschen Kontext vun de Rekrutéierungen mat der Hëllef vun Dokumenter aus den nationalen a kommunalen Archiven esou wéi mat Sekundärliteratur rekonstruéiert ka ginn, si fir d’Geschichte vun Individuen erzielen ze kënnen, déi onpublizéiert Ego-Dokumenter (Temoignagen, Familiengeschichten, Tagebicher, Bréiwer, Postkaarten, Fotoen...) d’Schlüssel-elementer vun der Recherche fir WARLUX. Dowéinst huet de C<sup>2</sup>DH d’Ëffentlechkeet um Crowdsourcing opgeruff, an en encouragéiert d’Leit hier Geschichten an hir Ego-Dokumenter, oder respektiv deene vun hire Familljemembere mat der Universitéit Lëtzebuerg ze deelen.

Fir weider Froen oder Informatiounen, oder fir Geschichten an Dokumenter ze deelen, kënnen interesséiert Persounen d'Chercheure kontaktéieren, via:

- E-Mail: [warlux@uni.lu](mailto:warlux@uni.lu)
- Telefon: + 352 46 66 44 9575
- Fax: +352 46 66 44 36702

*WARLUX ass ee vum FNR finanziéierte Projet vum Luxembourg Centre for Contemporary and Digital History (C<sup>2</sup>DH) vun der Universitéit Lëtzebuerg. De Projet gëtt vum Prof. Dr. Denis Scuto geleet, mat der Zesummenaarbecht vum Dr. Nina Janz, dem Michel Romain Pauly an dem Sarah Maya Vercruysse.*